

Kikkuuvugut?

PI/SPS Kalaallit Nunaanni kisiartaalluni perorsaaneermut ilinniarfiuvoq.

Isumaginninnermik ingerlataqarfiup iluani pikkorissutsimik qaffassaaqataasunik ilinniakkanik pikkorissarnernillu neqerooruteqarpugut. Ilanngullugu apeqqutigineqartillugu pikkorissaanernik naleqqussarlugit aqqissuussanik neqerooruteqartar Pikkorissaasarnert neqerooruterpassuagut nittartakkatsinni takukkit.

Takorluugarput:

- Inuiaqatigiinni perorsaaneq pillugu ilisimasaqassutsip pingaaruteqassusia isiginiarparput, tamanna innuttaasut tamar ineriartornerannut ingerlalluarnerannullu tunngavissiiisussaamr
- Tunngaviumik isuma aallaavigalugu sulivugut, tassalu perorsaaneermik sulinermi "inuk tamarmiusoq" aamma inuit ataasiakkaat inunnik allanik susassareqateqarnerat isiginiarneqassasut.
- Ilinniarfiorusuppugut akuerisaasoq orniginartorlu, piginnaaneqarfittut qitiusoq, ilisimasaqassutsikkut qajannaatsu tunngavilik aamma isumaginninnerup perorsaaneerullu iluanni ilinniartitaanernik siuariartornermik qulakkeerinnittoq.

Attavigitigut

Oqarasuaat: +299 38 35 50

Mail: kursus@pi.sps.gl

Nittartagaq: pi.sps.gl/kurstyper/



PI/SPS Socialpædagogisk seminarium

Marralinnguit 40

3952 Ilulissat

Grønland

PKU pikkorissarneq

Ilinniagaqangitsunut piginnaasanik ineriartortitsineq

Piorsarsimassuseq ataatsimoornerlu



PERORSAANERMIK ILINNIARFIK
SPS - SOCIALPÆDAGOGISK SEMINARIUM - <http://pi.sps.gl/>

Ilisarititsineq

Pikkorissaaneq una pikkorissartunut piorsarsimassutsimut, kusanartulerinermut ataatsimoornermullu tunngasunik tunniussissaaq. Pikkorissarnermi tikinneqassapput piorsarsimassuseq meeqqallu, tassani peqataasut takorluuisinnaaneratt alaatsinaassinnaanerallu sammineqassallutik.

Ullumikkut meeqqat piorsarsimassusermik pilersitsiseqataasut isigineqarput, taamaammat perorsaanermik suliaqartut pikkorissarnermi sungiusaatigissuaat ilikkariartorfiusumik meeqqanut kusanartulerinermi nuannersumik pilersitsinissaaq. Pikkorissartuttaaq perorsaanikkut sammisaqartitsinermi meeqqat isikkivianniik peqataaneranniillu aallaaveqartumik kiisalu meeqqat ataatsimoornermi peqatigiinnerannut assigiingiaartuuneri eqqarsaatiginissaat.

Imarisai:

- Piorsarsimassutsimut kusanartulerinerullu isumaa qanorilillunilu meeqqat ataatsimoornermi ilanngutsinneqarsinnaaneratt
- Perorsaanikkut sammisaqartitsinermi ilikkariartorfiusumik pilersarusiorneq, meeqqanut peqataasutut isiginnaartutullu misigisimatitsisoq
- Meeqqat alapernaassusaannut, takorluuisinnaanerannut nassaarsiorsinnaanerannullu tunngaviliisinaaneq

Pikkorissarnermi siunertaavoq peqataasut piorsarsimassutsip kusanartuliornerullu isumaanik ilisimasaqarnerulerneq, qanorlu meeqqat ataatsimoornermi peqataatilersinnaaneratt. Pikkorissarnerup peqataasut perorsaanikkut ilikkariartorfiusumik pilersarusiorsinnaaneratt, tassani meeqqat isiginnaartut peqataasutullu alaatsinaaneratt, takorluuisinnaaneratt nassaarsiorsinnaanerallu tunngavilerneqassaaq.

Sullinniakkat

Pikkorissarneq una ulluunerani paaqqinnittarfinni aammalu atuareernerup kingorna ornittakkanut sulisunut ilinniagaqarsimanngitsunut imaluunniit suliffissarsiortunut, suliassaqarfimmi matumani sulilernissamut ilinnialernissamulluunniit kissaateqartunut saaffiginnippoq. Sulisorisat ilinniarsimasut pikkorissartitsinermi inissaqarpat peqataasinnaapput.

PIFFISSAQ: Pikkorissarneq ulluni pingasuni ingerlanneqassaaq

Sapaatip akunnerani 12´mi, 17. -19. marts 2026, nal. 09:00–16:00.

AKIA: Ilinniagaqarsimanngitsunut suliffissarsiortunullu akeqanngilaq.

QINNUTEQARFISSAQ KINGULLEQ: 13. februar 2026

SUMIIFFIK: Perorsaanermik Ilinniarfik, Ilulissat.

OQAATSIT: Kalaallisut

PIKKORISSAASOQ: Kristine Nielsen

Peqataanissamut nalunaarneq aamma taamaatitsineq

Peqataanissamut nalunaarsinnaavutit nittartakkami www.pi.sps.gl/kursusafdeling immersugassap immersorneratigut. Immersugassaaq digitalimik imaluunniit anillatsillugu immersorneqarsinnaavoq uungalugu nassiullugu kursus@pi.sps.gl.

Pikkorissarnissamut akuerisaanerit pikkorissarnerup aallartinnissaa qaamammik ataatsimik sioqqullugu ilisimatitsissutigineqassaaq.

Peqataasinnaajunnaaruit, tamanna piorsavimmuut nalunaarutigissavat mailikkut kursus@pi.sps.gl imaluunniit sianerlutit +299 38 35 50.

Peqataanermut akiliut

Ilinniagaqarsimanngitsut aamma suliffissarsiortut angalanerat, unnuinerat nerisaqarnerallu PKU-mit aningaasaliissutinit Perorsaanermik Ilinniarfiup akilissavai. Pikkorissartunut sulisunut atuuppoq, pikkorissarnermi sulisitsisoq nalinginnaasumik akissarsiaqartitsissaaq, pikkorissarnermilli taarsiivigineqarluni utertitsivigineqassalluni akit atuuttut naapertorlugit. Sulisorisamut ilinniarsimanngitsumut taarsiiviginnineq ullormut 718 kr. kiisalu sap. Akunneranut 3.590 kr. Ilinniarsimasunut peqataanerannut aningaasarsiaqartitsinermut taarsiivigineqassanngillat/ pikkorissarnermi ajunngitsorsiasaqqassanngillat.

Pikkorissarsimanermut uppernarsaat

Pikkorissarsimanermut uppernarsaammik tunineqassaatit, pikkorissarnermi peqataanerit minnerpaamik 85%-iuppat.